

Na osnovu člana 16. stav 2. Zakona o Vladi Zeničko-dobojskog -Prečišćeni tekst ("Službene novine Zeničko-dobojskog kantona", broj 7/10), i Odluke o privremenom finansiranju Zeničko-dobojskog kantona za period januar-mart 2012. godine („Službene novine Zeničko-dobojskog kantona” broj: 17/11), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 54. sjednici, održanoj 24.02.2012. godine, d o n o s i

O D L U K U
o odobravanju sredstava za nastavak sufinansiranja Projekta
“Angažovanje socijalnog radnika za potrebe organizacije unutrašnjeg
života u zgradama Crkvice i Radakovo“ u 2012. godini.

Član 1.
(Predmet)

(1) Odobrava se povećanje sredstava za nastavak sufinansiranja Projekta “Angažovanje socijalnog radnika za potrebe organizacije unutrašnjeg života u zgradama Crkvice i Radakovo“ u 2012. godini, za iznos 500,00 KM (slovima: petstotina konvertibilnih maraka) na godišnjem nivou, zbog povećanja troškova života, tako da ukupna vrijednost Projekta iznosi 20.000,00 KM.

(2) Odobravaju se Udruženju „Humanost-societas humanitatis“, kao implementatoru Projekta, sredstva u iznosu od 5.000,00 KM (slovima: pethiljada konvertibilnih maraka), kao dio učešća Zeničko-dobojskog kantona za prva tri mjeseca 2012. godine u nastavku zajedničkog finansiranja Projekta iz stava (1) ovog člana.

(3) O razlici sredstava do ukupnog iznosa od 20.000,00 KM (slovima: dvadesethiljada konvertibilnih maraka) odlučit će se nakon usvajanja Budžeta Zeničko-dobojskog kantona za 2012. godinu.

Član 2.
(Analitička konta)

Odobrena sredstva iz člana 1. stav (2) ove odluke bit će isplaćena na osnovu Odluke o privremenom finansiranju Zeničko-dobojskog kantona za period januar-mart 2012. godine („Službene novine Zeničko-dobojskog kantona” broj: 17/11), razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 201, pozicija: «Izdaci za raseljena lica», a bit će obuhvaćena Programom utroška sredstava u 2012. godini u Ministarstvu za rad, socijalnu politiku i izbjeglice.

Član 3.
(Uplata sredstava)

Sredstva će biti uplaćena na račun Udruženja „Humanost- societas humanitatis“ broj: 134-010-0000244657 otvoren kod IK banke Zenica, sa naznakom “Angažovanje socijalnog radnika za potrebe organizacije unutrašnjeg života u zgradama Crkvice i Radakovo“ u 2012.

Član 4.
(Provođenje Odluke)

Za realizaciju ove Odluke zadužuju se Ministarstvo za rad, socijalnu politiku i izbjeglice, i Ministarstvo finansija svako u domenu svojih nadležnosti.

Član 5.
(Izvještavanje)

Udruženje „Humanost- societas humanitatis“ izvještavat će Ministarstvo za rad, socijalnu politiku i izbjeglice o utrošku doznačenih sredstava prema dinamici doznake sredstava iz člana 1. ove Odluke.

Član 6.
(Stupanje na snagu)

Odluka stupa na snagu danom donošenja, i biti će objavljena u „Službenim novinama Zeničko-dobojskog kantona“.

Broj: 02-_____/12.
Datum, 24.02.2012. godine
Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo finansija,
1x Udruženje „Humanost- societas humanitatis“ (putem ministarstva),
1x “Službene novine Zeničko-dobojskog kantona”,
1x a/a.